

RAILWAY PROJECTS HALTED

سیب غا باغات غا تحفظ تے مقامی معشیت گا بارہ مانہ منتخب حکومت تے مقامی نمائندہ آلے پاسے تے چاہ گیا خدشات غے بعد مرکز نے جموں کشمیر مانہ ترے تجویز شدہ ریلوے منصوبیاں نانہ روک دتو ہے مرکزی ریلوے وزیر اشونی ویشنو نے کہیو ہے کہ تفصیلی سروے گے بعد پتو چلیو ہے کہ پیداواری باغات نانہ نقصان پُجنو ممکن ہے اُنہاں نے کہیو کہ اس وجہ تیں منصوبہ ور فی الحال روک لائی گئی ہے اس فیصلہ گو سیاسی جماعتاں تے مقامی شراکت داراں نے خیر مقدم کیو ہے اُنہاں نے کہیو ہے کہ اس نال کساناں گا مفادات تے ممکنہ نقصان گو تحفظ وے غو اس فیصلہ نانہ سرباتاواں وزیر اعلیٰ عمر عبداللہ نے مقامی خدشات نانہ سمجھن واسطے ریلوے وزیر گو شکریو ادا کیو۔

LA PROCEEDING

جموں کشمیر قانون ساز اسمبلی اج لیفٹیننٹ گورنر غا خطاب ور تحریک تشکر ور بحث دوبارہ تیں شروع کرے غی۔ وزیر اعلیٰ عمر عبداللہ اج دو اہم بل وی ایوان مانہ پیش کریں گا۔ ایک بل غو مقصد بعض قوانین مانہ ترمیم کرے چھوٹا جرائم نانہ جرم غا دائرہ تیں کڈنو تے قوانین نانہ آسان بنانو ہے تاجے عوام غی زندگی تے کاروبار کرنو آسان وے۔ دوجو بل جزام یعنی کوڑھ تیں متاثرہ افراد غے خلاف امتیاز نانہ ختم کرنو تے اُنہاں نانہ مساوی حقوق فراہم کرن واسطے ہے۔ دوئے بل پہلاں تیں ہی سرکاری گزٹ مانہ شائع ہو چکا ہیں۔

CM RTC BUSES

وزیر اعلیٰ عمر عبداللہ نے گزشتہ روز جموں غا ایم۔ اے سٹیڈیم تیں جموں کشمیر سرکاری بس خدمات ادارہ غی بساں نانہ مختلف مذاہب گا اہم مذہبی مقامات واسطے روانہ کیو۔ یاہ خصوصی بس خدمات عقیدت منداں نانہ اہم مقامات تیں جوڑے غی، جن مانہ شاہدرہ شریف، جوالاجی، مکلوڈ گنج مانہ نامگیال خانقاہ، شری آند پور صاحب، اجمیر شریف تے سردھانا مانہ اور لیڈی آف گریسز چرچ شامل ہیں۔ اس موقع ور خطاب کرتا واں وزیر اعلیٰ نے کہیو کہ یہ پہل جموں کشمیر غی مذہبی رواداری تے باہمی ہم آہنگی غی روایت غی عکاسی کرے۔ اُنہاں نے کہیو کہ ان بس خدمات تیں اتحاد، روحانی سکون، بین ریاستی رابطہ تے سیاحت نانہ فروغ لبے غی۔

ENCOUNTER UDHAMPUR

گزشتہ روز ادھمپور ضلع مانہ حفاظتی دستہ تے دہشت گرداں غے ہشکار ایک تصادم ہوووائٹ نائٹ کور غے مطابق فوج غی سی۔ آئی۔ ایف۔ ڈیلٹا، جموں کشمیر پولیس تے سی۔ آر۔ پی۔ ایف نے مشترکہ طور ور بسنت گڑھ علاقہ مانہ خفیہ معلومات ور مبنی آپریشن شروع کیو۔ شام تقریباً 4 بجے جنگلاتی تے پہاڑی علاقوں مانہ دہشت گرداں تیں رابطو ہوو۔ جس تیں فائرنگ غو تبادلہ شروع ہوو۔ تے آخری اطلاع لین توڑی جھڑپ جاری تھی۔

SHAB E BARAAT GREETING

شب برات مسلمانان واسطے عبادت، دعا تے مغفرت غی ایک با برکت رات ہے۔ اس مقدس موقع ور لوک اللہ تعالیٰ تیں بخشش، رحمت تے امن غی دُعا منگیں۔ لیفتینٹ گورنر منوج سنہاتے وزیر اعلیٰ عمر عبداللہ نے شب برات غا پُرمسرت موقع ور جموں کشمیر غی عوام نانہہ دلی مبارک باد پیش کی ہے۔

PENDING COMPENSATION

ایک اہم کامیابی حاصل کرتا واں ضلع انتظامیہ جموں نے سن 2022 تیں زیر التوا تمام سڑک حادثات غا معاوضہ آلا کیساں نانہہ مکمل کرلیو ہے۔ مارا ضلع نامہ نگار غے مطابق ڈپٹی کمشنر راکیش منہاس نے گزشتہ روز اعلان کیو کہ تقریباً ایک کروڑ روپیہ متاثرین تے اُن گا اہل خانہ نانہہ براہ راست دتو گیو ہے۔ ذرائع ابلاغ سنگ گل کرتا واں اُنہاں نے کہیو کہ 107 پُرانا زیر التوا کیس مکمل کرلیا گیا ہیں، جس تیں بعد آرٹی۔او دفتر مانہہ کوئی کیس باقی نی رہیو۔ ضلع مجسٹریٹ نے ٹریفک پولیس تے موٹر گاڈیاں بارے محکمہ نانہہ ہدایت دتی ہے کہ وہ قانون غی خلاف ورزی کرن آلاں، خاص طور ور گاڈیاں مانہہ غیر قانونی تبدیلی تے جعلی نمبر پلیٹ غے خلاف کارروائی تیز کریں۔

PROG ANN CANCER DAY

علاقائی خبراں آلو شعبہ آکاشوائی جموں اج بین العوامی کینسر تہاڑا غی تقریبات غا سلسلہ مانہہ 30 منٹاں غو ایک خصوصی پروگرام نشر کرے غو۔ اس پروگرام غو موضوع ہے کینسر، اس غی علامت، اسباب تے علاج۔ یاہ خصوصی نشریات اج تہاڑی غا 12 بج غے 30 منٹ ور نشر کی جے غی۔ اس خصوصی پروگرام مانہہ مہاری مہمان ویں غی، ڈاکٹر سندپ کور اسٹینٹ پروفیسر جہیڑی شعبہ ریڈیشن انکولوجی گورنمنٹ میڈیکل کالج جموں تیں تعلق رکھیں۔ تے وہ اس پروگرام بارے اپنی ماہرانہ رائے سانجہ کریں غی۔ پروگرام غی میزبانی کریں گا مارا انکر جگموہن شرما۔

WEATHER UPDATE

محکمہ موسمیات غے مطابق جموں کشمیر مانہہ آئیندہ ایک ہفتہ توڑی موسم زیادہ تر خشک رہن غا امکان ہیں۔ 4 فروری تیں موسم عام طور ور صاف رے غو۔ 6 فروری کی رات نانہہ اچا علاقہ مانہہ ہلکی برف باری ہوسکے۔ 7 تے 8 فروری نانہہ موسم خشک رہن غا امکان ہیں۔ 9 تے 10 فروری نانہہ کُجھ مقامات ور ہلکی بارش تے برف باری ہوسکے۔ 11 تے 12 فروری نانہہ موسم دوبارہ تیں صاف نالے خشک ہو جے غو۔
